



## SORAS DOMINICANAS DA GLION

### La procura – autonoma ella nova Fundaziun

GIUSEP CAPAUL/FMR

Sco quei che la menadra dalla Procura da missiuns dallas soras dominicanas da Glion, *Christine Imholz*, scriva ella novissima brev circulara «berichtet und beleuchtet», ei era la Procura dapi il zercladur 2021 part dalla nova «Fundaziun dallas dominicanas da Glion». L'incarica dalla Procura resta sco punt denter carstgauns solidars ell'Europa, las soras da Glion ed ils responsabels pils survetschs socials-pastorals el sid dil globus, en special en Brasilia, Guatemala e sillas Filippinas.

La finamira primara da quei engaschi e brat ei da migliorar persistentamein la qualitat da viver dils affons, giuvenils e lur famiglias el sid da nies mund. La Procura exista vinavon enteifer la nova fundaziun sco part autonoma e communizeivla, aschia che ton las donaziuns sco cra ils legats fatgs cin liberai dalla taglia sco tochen ussa els pli biars cantuns. Igl ei era pusseivel da sustener projects specifics.

#### Midau fuorma giuridica per segirar igl avegnir

La cumionza internaziunala da tuttas soras dominicanas da Glion exista dapi 120 onns e vinavon sco uniun tenor dretg civil, ussa parallel cun la nova Fundaziun. Daco han ins fundau schidadir ina secunda uniun-purtadra per las soras da Glion?

La cumionza dallas soras da Glion ha vuliu segirar cun la nova Fundaziun dils 10 da zercladur 2021 ina secunda persuna giuridica per saver cuntinuar cun igl engaschi pastoral e social era egl avegnir. Las raschuns ein evidentas: Il diember dallas soras da Glion ei sesminuius ils davos 50 onns da varga 500 muniessas sin ussa meins che 120. Lur vegliadetgna media munta a bunamein 80 onns. Adina pli paucas soras pon surprender posts directivs. La nova fuorma giuridica lubescha d'eleger el cussegl da fundaziun era persunas ordeifer la congregaziun, che sustegnan la direzziun ton strategicamein sco economicamein cun surprender responsabladad e cun conceder.

La nova Fundaziun ei stada in mument historic tenor la superiura generala *Annemarie Müller* ton per las soras sco per ils gremis directivs. Aschia hagien ins denton mess la basa pigl avegnir dallas soras che vegnan adina pli veglias per che lur missiun pastorala-sociala sappi sesviluppar vinavon en nova fuorma.

#### Vegn intermediau bia agid e purtau levgera

Ella brev circulara vegn era rapportau davart impurtonts projects dallas soras da Glion en Guatemala, Brasilia sco sillas Filippinas. Ad affons, giuvenils e carstgauns agl ur vegn intermediau agid pratic per migliorar lur precara situaziun persunala e surtut economica.